



DEO OPTIMO MAX.

UNI ET TRINO.

VIRGINI DEI-PARÆ, ET S. LUCÆ  
Orthodoxorum Medicorum Patrono.

## QUÆSTIO MEDICA.

QUOD LIBETARIIS DISPUTATIONIBUS,  
*manè discutienda, in Scholis Medicorum, die Jovis vigesimo-seculo  
mensis Decembris, anno Domini M. DCC. XLVI.*

M. LUDOVICO-GABRIELE DUPRE,  
Doctore Medico, Præside.

*An causa Caloris in pulmone, aëris actione temperetur?*

I.



ULMONEM, machinam Hydraulicam-Pneumaticam rectè  
vocaveris. Tot motrices concurrunt potentia, quot in moven-  
do thorace occupantur muscoli. Hi per causas profundâ im-  
mersas caligine alterno motu agunt & aguntur; hinc illa exori-  
tur reciprocatio, quâ videntur respirationis organa nunc obici-  
bus superatis intumescere, nunc verò in se ipsa residere. Nec  
satis est moveri musculos ut perficiatur ingens respirationis opus. Frustrâ magis

A

molimine ambientis obstantisque fluidi pondus dimoveas, si sequi renuat indocilis pulmo. Inertem per se nulla movet fibra exterior, nullum datur ad quod trahi possit punctum fixum. Ex altioribus ergo principiis repetenda est ejus dilatationis causa: hanc in communibus hydraulices legibus reperiis. Stat etenim æquilibratus in aere pulmo. Toro scilicet incumbentis atmospheræ pondere extrorsum premitur thorax; premitur & introrsum pulmonis superficies. Æqualis utrimque actio; hinc ergo utriusque effectus ad nihilum reducuntur. Ampliato thorace crescunt spatia, tollitur exterior resistentia, vincit interioris aeris actio. Hinc quantumlibet semper in artius volumen tendat contractilis pulmo, aeri dilatanti obsequitur & distenditur; artato contrà thorace minuuntur spatia, exteriorum resistentia crescit, expellitur compressus aer, eadem quâ modò admittebatur ratione, dum scilicet ex naturali fluidorum lege generale suarum partium affectat æquilibrium.

Interea quamdiù vivimus, æthereâ fruiamur aurâ, nec cor moveri potest deficiente pulmonis motu, & brevi fatiscet pulmonis actio, si cordis motus interrumpatur vel elangueat. Utrumque magnum vitæ instrumentum. Consensu enim felici utriusque vivit homo ex quo primum in lucem prodiit vitamque inspiratione inchoavit, expiratione demum finiendam. Quid ergo tantum vita debet respiratori? Quid sit illa, perpende. Ideam ejus absolvit actio illa fluidorum in solida, solidorum in fluida, à quâ motus pendet circularis. Hinc tota corporis vita in motu, quo fatiscente, fatiscit; abolito, abolitur; restituito, restituitur. Quantum porro debeat motus circularis, adeoque vita, pulsioni, facillè sentiet qui mechanicis hydrostaticisque nixus, liquorum per vasa pneumonica motum expendet. Totus enim in id unum est pulmo, ut in homine nato nulla à ventriculo cordis dextro in sinistram pertranseat sanguinis guttula, quæ non hunc ipsum *soliciterisne trajecerit*. Hunc in finem una eademque machina simul exhibet, hinc aspirantem & attrahentem anthiam, hinc validissimum torcular, hinc verò ventilatorem perpetuum; hæc cum deficient actiones, an adeò mirum, si vita subito disperit ut suffocatis, si per trachæam immisso aere restituitur aliquandò ut in experimento Hookiano; interea verò motum hic, & motui proportionatum in machinis attritum summum deprehendes, nec obscura igitur Caloris hic emergentis vestigia,

# I I.

**P**ORRO multiplicem esse in pulmone motus & attritus causam, florido pure pureoque sanguinis ab ipso erumpentis decore satis indicatum, solidorum fluidorumque proportionem demonstratum, confirmatum denique habebimus consideratione experimentorum, quibus & sanguinis in pulmonem, & rursus pulmonis in sanguinem actio evincitur.

(a) Intuere sanguinem, dum pulmonaribus submittendus vasis ad dextrum cordis ventriculum deferatur. A causâ movente remotissimus, ab extremis frigidioribus, orbus diluente vehiculo per vasa inertia regreditur. Hinc vitalis ipsum jam deseret calor, & motus qui primis sanguinis natalibus olim præfuit, ipsumque continuo vitale liquidum efficit, adventante jam ad pulmones eodem fatiscit & elanguescit. Præterea antè ipsa pulmonis ostia quæ confluit lymphæ sanguini, novus hospes indocilis adhuc per vasa fluere chylus admittitur. Idem eruo à pulmone redux, novâ nitidus juvenâ, purpurâque insignis, quàm verè vitalis latex dicitur. Misceri jam inter se unumque exhibere fluidum di-

(a) Boerhaav.  
Chem. Tom. I.  
deigue exp. XX.  
cor. XVI.

dicunt lympha & globuli sanguinei. Incipit chylus affluere, mutat paulatim ingenium ac spontaneâ mutatione vergit ad alcali volatile. Chymicos & mechanicos appello; an promptius feliciusque mutationes illæ explicantur, quàm motu & attritu. Compingi motu corpora, raptas celeri motu particulas angulis detritis in globulos figurari docent mechanici. Alcalescere motu corpora quæ partibus oleosis acidisque referta sunt, clamant chymici. Exemplum præbeat alcali volatilis ex vegetantibus acidissimis, fuligo; tartarus motus fermentationis productum, clausis etiam in vasis (quod ipsi peculiare est) alcali fixum exhibens.

Nec demonstrare difficilius est quibus tandem de causis talis in pulmone motus exurgat. Protrudit in hunc unum à toto reducem corpore sanguinem ventriculus cordis dexter. Hinc tantumdè eodem tempore laticis hujus accipit, ac reliquæ partes quæ vasis alluuntur sanguiferis simul sumptæ. Idem verò ex (b) Halesianis Jurinianisque calculis vicequingies earum mole minor est. Ergò respectu suæ molis, majorem vicequingies sanguinis quantitatem, in dato tempore, transvehit.

(b) Hales Hæmorrhæmatics, cap. X.

Præterea irrumpit sanguis ab antro cordis dextro in arteriam fortem, elasticam, aortæ diametro & elaterio æqualem. Hæc verò brevissimo spatio in minimos partitur Ramulos, à quibus alii pullulant trunci, mutatis usu & nomine venosi. Verùm cæteris paribus decrefcunt vires in ratione spatorum emensorum, ergò tantò major erit cæteris paribus ratio velocitatis sanguinis in pulmone ad velocitatem quæ per cæteras corporis partes circumfertur, quantò ipsa pulmonis moles mole corporis minor est. Adde nunc & proximi cordis impeditam in capillares convergentes arterias actionem; adde & proximum trunci arteriosi renixum; dum conquiescit Cor, vi validâ premit sanguinem, & in arctiores cogit angustias, arteriæ actio. Hâc cessante, en novus à tergo hærentem urget cordis impetus; sic vi continuâ truditur, in ulteriora impellitur, motus simul multiplicatur.

Nec ratiociniis id evicisse sit satis, provocat ad autopsiam (c) Halesius qui oculis microscopio instructis, vidit ter & quadragesies velocius ferri sanguinem per pulmonis arteriolas, quàm per arteriolas musculorum ejusdem animalis. Ubi verò causæ tot & tantæ, movendo per vasa liquido, concurrunt, faciliè patet quantum increfcit attritus. Crescit enim, crescente velocitate: nec tamen est eadem augmenti ratio, constat enim accuratis Clar. Muschembroeckii experimentis (d) majorem esse in rapido motu, attritum quàm velocitatis rationem. Præterea augetur insignitè in ratione resistentiarum; resistentiæ porò in pulmone plurimæ cumulantur, quantacumque enim rapiditate, vi cordis & arteriosi pulmonaris trunci ferociens in minimos convergentesque hujus ramulos irruerit, ipsum tamen hic injectæ retardant moræ, non faciliè superabiles; crescit enim in minimis arteriis respectu fluidi massæ solidi, crescit ergò transituro fluido resistentia. Quæ quidem peculiari de causâ in vasis pneumonicis increfcit; ea enim dum æqualem sanguinis quantitatem accipiunt, in minores interea facessunt ramulorum divisiones; fertur tamen impetu magno, sui quantumvis motus perdidit, ad usque venarum originem, sed ubi deficientibus arteriis, oriuntur venæ, en nova morarum agmina. Observante enim toties laudando nobis Halesio oriuntur pleræque ad angulos rectos. Cursu itaque in parietes illorum directo impingit sanguis, deflectere cogitur, non sine motus amissione. Præterea peculiari hîc à Clar. Helvetio demonstrata lex obtinet, Arteris correspon-

(c) Hales; ibid.

(d) Essai de Physique, Tom. I, §. 349.

dentibus, venæ pulmonares numero <sup>4</sup> diametroque minores observantur. Fluenti ergo ab amplo in strictum canale augetur resistentia. Quid ergo mirum, cum tot resistentiæ causæ concurrant, si sanguis in mortui animalis arteriam pulmonalem injectus reculat per venas regredi (e)? Quin etiam ipsa aqua quam toties in vivis ierat redieratque viam postquam collapsa sunt morte vasa, respuit, novum sibi cudit iter per bronchia, mavultque in vesiculas exundare, quam venarum superare resistentiam. Nec forsân in vivo vegetoque animali posset hæc repagula sanguis perumpere, nisi succurreret actio pulmonis sive inspirationis & expirationis alternatio.

Maximam verò utriusque vim in movendo sanguine demonstrant, & circulationis diversitas in fœtu, in quo deest alterni illius motus subsidium, & experimenta quibus in homine nato, hinc pulmonis in sanguinem, hinc sanguinis in pulmonem actio evincitur. Sanguis enim in pulmones arietans, horum motum potenter sollicitat, pulmo hærentem in suis vasibus sanguinem exprimit & expellit; sed & à ferociente sanguine diduci & dilatari pulmonem quid vetat?

(f) V. diff.  
Acad. D. Andry  
24 Januarii  
1741, an ab im-  
pulsu sanguinis  
in arteriam pul-  
monarem inspi-  
ratio spontanea.

(g) Vide diff.  
Acad. Cl. Per-  
rein 1738, 13  
Nov. an actio  
mechanica pul-  
monum in fluida  
tempore expira-  
tionis, V. & ex-  
periment. 113.  
Halesii in stati-  
cis vegetantium.

(h) V. Hales  
Hæmoflatics,  
exp. I. II. III.  
IV. & CXIV.  
Halesii vegetan-  
tium.

(f) En quotidie sanguine opprimi & diductum hæere frustra comprimente thorace videmus, aucto ad ipsum venosi sanguinis sen per exercitia, seu per febrem affluxu. Hinc æger anhelitus, intercisa respiratio, vox deficit, & si magna summo nixu elicitæ fuerit exspiratio, toti in sudores dilabuntur. Hinc etiam dum nixu abdominis expiratorio augetur sanguinis ad pulmones affluxus, si thorax vulneratus fuerit integro pulmone erumpit ille per vulnus. Sin vulneratus pulmo, recrudescit vulneris hæmorrhagia (g). Maxima est pariter in movendo sanguine, vis expirationis; tunc enim arctat se in spatium minus pulmo, summa sit fluidorum in solida, solidorum in fluida pressio. Jungit se in partem operis aer, qui pressione aucta per arctam erumpit glottidem. Hinc sanguis quâ data porta in venas urgebitur. Ex his intelligas quare in pulcherrimis, quibus Halesius (h) vim cordis in obstantem columnam metiebatur, experimentis, suspitium, oscitatio, nixus pulmonis quicumque, in exhaustis sanguine languentibusque animalibus sanguinem ad pedalem usque supra punctum ad quod consilere debuerat, eveheret altitudinem in tubo arteriæ crurali affixo. Quæ quidem motum hic adesse summum, summum attritum, hinc & calorem eximie comprobant.

## III

**QUANTUMCUMQUE** enim caloris causas sacro texerit involucro natura, leges tamen hominibus non invidit. Hunc attritu produci, res est omni ævo, omnium consensu recepta. Quin & attritu violento, corporis durissimi ad solidissimum, omnium notarum ignis actionum maximam excitari posse, quâ scilicet, unico percussione momento flex vitrescat, demonstravit postea (a) Hookium (b) Boerhaavius. Hæc de solidis patent, sed an eadem etiam de fluidis dici possunt? Motu tamen posse experimenta evicere; rem de subtilissimo omnium fluido, aère scilicet, comprobavit (c) Boerhaavius. Idem in ipsâ aquâ se notasse aliquando ait (d) Martinus; de lacte observaverat Albinus, quod intepescere dum cogitur in butrum, ipsa norunt mulieres. Crescit porro calor ut attritus, attritus verò ipse crescit in ratione motus, resistentiæ, & massæ denique in parietes impingentis; ergo secundum has omnes proportio-

(a) Hook.  
Micrograph.  
VIII.  
(b) Boerhaav.  
Chem. Tom. I.  
de igne exp. XV.  
curul. X. p. 151.  
(c) Boerhaav.  
ibid. pag. 100.  
(d) Martine  
de calore anima-  
lium. cap. 1. p.  
154.



nes intenditur calor's gradus. (e) Verum præterea in excitando calore attendendum est ad corporum inter se attritorum densitatem, & elasticitatem. 1<sup>o</sup>. Enim quò corpora, inter se attrita densiora sunt, eò etiam fortius incallescunt attritu. Forſan tamen non tam denſitatis rationem, quàm aliam peculiarem hic admittes, ſi velis, ex mente Newtoni, ea quæ fortius attrahunt ignem corpora, fortius etiam attritu incallescere, negat interea verſatiliſſimus in hiſce ſacris Boerhaavius (f) nullum ſe hæcendū reperiſſe ignis magnetem in rerum naturā, 2<sup>o</sup>. Quò magis obſervantur elæſtica eſſe corpora, eò etiam magis attritu incandescunt, quia ſcilicet motus aut attritus, non in exteriori tantum peragitur ſuperficie, ſed (g) in elementis oſcillant. Iſdem præciſe generatur & regitur legibus ſanguinis calor, quem deberi ſanguinis in parietes vaſorum attritui, attritui pariter particularum inter ſe, hodiernus Medicorum conſenſus ſtat. Concidit jam immortalis illa flammulā, quam cælo ſubreptā à corde per omnes inſundi artus juſſerat audax Japeti proles: concidit & recentiorum commentum fermentatio (b) Jamque mechanice & vera chymia auxilii liberatur Medicina, tot adeoque inepertis de fermentorum ſiliorum invocatione ſiſtentis, quibus & turbata & oppreſſa à ſemi-chymicis habebatur. Præterea calorem hunc attritui deberi omnia comprobant phænomena, hinc enim aucto ſanguinis ad vaſa attritu partium calor augetur; minuto contrā minuitur: hinc frigido timore vacillat motus cordis, gelidusque per ina curri oſſa tremor. Hinc ceſſante vitali motu, omnis & unā, dilapſus calor, atque in ventos vita recedit. Senſerat id ſolā phænomenon obſervatione antiquiſſimus libri de corde author, (i) dum ſanguinem naturā non calidum, ſed incallescere pronuntiat. Quin etiam denſitatis & elæſticitatis rationem animalium calor ſequitur. Hinc corpora denſa, ſicca, exercitata, robuſta, humores compactos & ponderoſos habentia, calidiora deprehenduntur. Molliā contrā, laxa, pigra debiliaque corpora nunquam valent conciliare tantum ignis aquoſis ſuis partibus; inò quæ partes inter ſolidas fibris gaudet vibratilibus ſiccioribus & ad oſcillationem promptioribus; ea furioſius Phlogoeſeos, æſtum concipit ut docent practici; ſed & inter fluida eadem lex obtinet. Hinc Hippocrates pituita naturā frigidior, ſanguis contrā calidior. Quod & Lyncæus Lewenhoekii obſervationibus luculentè confirmatum habemus, dum reſert ille ſanguinem animalium calidiorum & terreſtrium vicequinqües majorem reſerre globulorum quantitatem quam cancri marini ſanguis. An etiam in fluidorum partibus aliqua elaterii ratio habenda eſt? Certè viderunt poſt Lewenhoekium plures comprimi globulos, à compreſſione reſilire & reſtitui. Undè dum hinc in parietes vaſorum ſeruntur, hinc ab illorum elaterio repulſa ſeſe mutuò imperant, repelluntque viſciſſim, novus etiam calor's ſons exurgit. Tot undique aggeſſis in unum pulmonem calor's cauſis, quàm portentose debet incallescere! Toties enim per horam repetuntur cauſæ illæ, quoties cor pulſat. Cauſā porro eadē remanente, calor augetur proportionaliter ad tempora. Undè brevi vero rapi incendio machinæ illius compages, & in celerem ruinam totum corpus ſecum abripere deberet machina, tum ſolida ſphacelari, fluida putrefieri. Negat interea Thermoſmetrum tantos hic adeſſe æſtus, non correfpondent effectus. Adeſt ergò refrigerium.

#### I V.

**R**EFRIGERIUM illud ær eſt, quo nullum, excepto igne, inſtrumentum aliud univerſale magis. (a) Quid enim ſine ipſo ſit tandem? A

(e) Boerhaav. ibid. coroll. 3. exp. IX.

(f) ibid. coroll. 5. exp. X.

(g) Id. ibid. p. 106.

(b) Boerhaav. Chem. Tom. II. De fermentationis hiſtoriā pag. 119.

(i) Tractat. de cord. inter opes Hipp.

(a) Hippocrate de flatibus in principio.

quo opere abest? Certè quodcumque sit animantium genus, seu pecudes, seu genus alitum, seu quæ sub aquis latitant monstra, ipsius usurâ carere non possunt. Hinc occultum vitæ pabulum latere in aëre clamant Alchymistæ; undè avicula Hermetis, nitrum Sendivogianum, salia universalia quæ piscantur in aëre, totidem delirantis ingenii philosophici somnia. Agit elaterio suo, agit pondere aër, sed & agit etiam benigno frigore, ut antiquorum recentiorumque monumentis confirmatum habemus. Antiqui solâ observatione divites, in ipsis Scientiarum incunabulis observaverant pridem plurimos ab aëre calido pendere morbos, simul & decumbentibus morbis inflammatoriis, summè requiri frigidioris aëris beneficium. Hinc (b) *hise in casibus*, ait Galenus, *videretur respiratio fieri refrigerii causâ*. Observaverant iidem erumpentem à pulmone sanguinem incalecere debuissè, qui calor si deficeret, pulmonis etiam actionem deficere, certò concludebant. Hinc (c) *spiritus frigidus ex naribus & ore expiratus brevi letalis*. A recentioribus plura sunt expectanda, paret ipsis natura, hanc ad suos usque limites insequuntur; hinc calorem corporis, illinc Athmosphæræ accuratis metiuntur & comparant Thermometris; undè ipsis constat summum etiam Athmosphæræ calorem, corporis calore minorem semper observari, quorum observationes, sedulò collectas, & Thermometro Fahrenheitiano comparatas, videre est apud illustrem Martinum de calore animalium, lib. 1.

(b) Galen. de  
respir. Libro 3<sup>o</sup>.

(c) Hippo.  
crat. Prænot.  
cognat.

Porro agit tantum aër ille in pulmonis internam superficiem, cum verò totus vasis confletur pulmo circulantis per illum sanguinis, ratio per massam debet expendi. At quàm parva massæ pulmonis ad ejus superficiem ratio! Superficies enim interna pulmonis per singulas partita vesiculas ita increfcit, ut Halesianis mensuris sit superficiei corporis ad minimum decies major. Massâ verò contrâ, ut alibi observabatur, vicequiquies minor est. Eadem ergo intercedit differentia spatia inter ab aëre & sanguine occupata. Intereâ vasâ pulmonis in arteriolas minimas diffunduntur, quæ tenuissimis undique applicata pulmonum vesiculis, per superficies incredibiliter latas, eas reticulari opere coronant; hinc in immediatum ferè contactum cum aëre veniunt, millesimâ forsân pollicis parte ab ejus contactu separata. (d)

(d) V. Hales  
Hæmorrh. cap.  
XIII.

Verum enimverò ex immortalibus Boerhaavii de igne oraculis deduces ignem æqualiter ubique distributum, si quâcumque de causâ majori copiâ, cui-cumque corpori insederit, sese per ambientia æquilibrare in ratione distantiarum à centro corporis calefacti. Verum cum alibi idem probâverit tardius incalefcere corpora quæ ignis actioni plus molis, minus offerunt superficiei, citius verò quæ plus superficiei, quàm molis exhibent, videtur ejus æquabilem ratione distantie distributionem aliquatenus præpedire densitas corporum; undè deduci poterit corollarium illud, si duo corpora sibi apponantur, alterum calidius, alterum frigidius, inter ipsa calor distribuetur in ratione inversâ massæ, directâ superficiei. Hoc posito, qui modò pulmones subierat frigidus aër, exit ad sensum multò calidior, ita ut aliquandò, mensurante Halesio, caloris gradus triginta-sex acquisierit. Tantumdè ergo ex præcedenti axiomate frigoris imperiit sanguini, detractâ tamen densitatis ratione. Mechanicis hæc fulta principiis uberius experimentorum ope demonstratur. Probabat Hauksbeyus fieri inspirationi minus aptum aërem, si per candentem sclopeti fistulam transmissus fuerit; sed luculenter omnino rem comprobavit Boerhaavius (e) qui calidum 146 gradibus aërem non modò respiratori non aptum, sed &

(e) Boerhaav.  
cap. XX. coroll.  
XVI. p. 147.

omni animantium generi cum summâ putrefactione lethalem deprehendit. Ibi tria intrâ minuta passerculus moriebatur, canis ibi post septem minuta hian- do, linguam exferendo, atque respirationis actus quàm velocissimè recipro- cando, satis notabat quàm foret ipsi molestus æstus ille. Elapso quadrante horæ, respirabat cum sonitu, omni ope exitum quarens, sed brevi vires de- ficere, respiratio retardari magis magisque. Totoque hoc tempore magnam emi- ferat salivæ fœtidæ rubellæ copiam, an non contagiosam? quarit Arbuthnot? Certè tam infestus erat his momentis natus in animali calor, ut homines fu- bitò exanimaret. At certè vitalis motus, dum in animalibus his generat attri- tu calorem & nixum in putredinem, horrenda hæc accersit symptomata. Eo- dem enim in aëre carnes exsiccabantur, non putrescebant. Sed quid extrâ naturam querimus argumenta, ex ipsius naturæ consideratione res patet. Pis- ces enim rectè possis dividere in frigidos & calidos; latissimè patet prior clas- sis, spinosofque & cartilagineos illustri Artedii continet; altera classis Cetaceo- rum est. Priores circulatione à terrestrium animalium diversâ donantur, diver- sâque pariter pulmonum & cordis fabricâ. Aortæ tantum portio ad organa res- pirationis excurrit, hinc absunt caloris in pulmone cause. Cetaceis verò eadem est ac homini fabrica pulmonum & cordis, eademque circulatio. Equalis scilicet sanguinis quantitas per pulmones & per totum corpus simul trajicitur: hinc ead- em *inspirati & expirati aëris* alternata necessitas. At priores, docente ipso Marti- no, qui Boerhaavio non suffragatur, vix uno gradu suprâ ambientis mediæ ætum, calent: alii contrâ, ut animalia terrestria, calent, cursuque rapti per æquora sudores emittunt. Quid si sola in pulmone fabricâ diversitas tot gradibus totius machinæ calorem auget, quid de pulmone ipso dicendum censet? Annon, nisi præsens afforet aëris frigidioris beneficium, brevi conciperet incendia.

**D**EMONSTRATAM mechanice, experimentis comprobata, an- a- tome comparativâ confirmatam, frustra tentes objectionibus convellere sen- tentiam; quin & ab ipsis sumet opes adversantium ictibus. Quid enim hypo- causa multò minùs aëre modo citato calentia, objicit nobis Martinus, cum hæc tantum parvo temporis spatio ferri queant? Quid terras sub solis nimium propinque curru jacentes, & ubi nullâ recreatur aurâ regio? Certè nullibi terrarum adeò noverca fuit hominibus natura, ut non aliquandò tantos labores excipiat cæli indulgentia. At in fervidis hisce locis, quàm dispar rerum facies! Grassantur undique morbi; pigris nulla surgit arista campis; quàm dolent nau- tæ, ubi silente vento portubus illis coguntur immorari! brevi caput extollunt, febres ardentes, pestilenciales quæ dulcem patriæ visendæ spem præcipiunt. Fa- molissimus est, tum propter australes, quibus uritur, ventos, tum propter Ete- sios, quibus refrigeratur, ipso ferè sub Cancrî tropico jacens Ægyptus. Du- plex ipsi æstas, altera ventis perflata australibus pessima est; coguntur, dum fervet, subterranea incolere Ægyptii, fontibus assidere. Interea toti regioni incumbit pessima febrium cohors, pestis grassatur; hinc australes illos ventos (a) Charonios vocat post Galenum Alpinus, quasi ab ipso prodeant Charon- te. Interea quantumvis solis radiis exuratur terra, nec matutinos sentit rores, nec ab exhalatione vaporum oriuntur salutaria illa tonitrua, quæ quasi erysi factâ, inani quidem murmure terrificant animos imbelles, at efficacissimè

(a) P. Alpin.  
de Medicinâ  
Ægyptiorum I.  
t. c. VIII. Ga-  
len. in 1. Epid.

aëra repurgant, siue dum vapores noxios quaquaversum dispergunt & dissipant; siue dum admixto acido sulphureo putredinem arcant & corrigunt. Nulla igitur spes superesset, nisi ipsa ferret opem natura. Verum altera exoritur aëtas meliori alite; jam se fecundandis campis arduus infert Nilus, & aquis, exhalationibus aërem inficit. Jam flare incipiunt à Septentrione venti, sit saluberrima, omnique genere frugum uberrima regio; disperit ipsa morborum memoria. Nec benignum Etesiorum flatum aut adeò intensum soli Ægypto calorem credideris. Audi vetusti Medicinæ parentis oracula: (b) *Febres ardentes in æstate potissimum fiunt. Et infra: Ver & æstas omnino arida usque ad Pleiadum occasum, Etesi venti vix flarunt, æstate febres ardentes fuerunt epidemica.* Inter quarum symptomata annotat præcipuè (τὰ πρὸς τὴν πνεύματος καθαίρεσιν) respirationem fublimem, ut de cane in experimento Boerhaaviano notabatur. Post Hippocratem, refrigerati aëris necessitatem quis meliùs sensit Hippocrate Britannorum Sydenhamo, qui candidè observavit quòd in pleuritide, si æger lecto jugiter affigatur, aut largam venæ sectionem, aut remedia utcumque refrigerantia ut minimum proficere. Plura similia passim in eodem reperias, ut & in sanioris Medicinæ Autoribus. Hinc qui febre ardenti decumbunt, (τὸν πυρὸς ἐκκέντριν) ignem efflant, inquit Aræteus, & ipsis eò necessarium magis aëris continuò renovati refrigerium, quòd ipse expiratus aër magis incalescit.

(b) Lib. III.  
Epid.

*Ergo causa Caloris in pulmone, aëris actione temperatur.*

## DOMINI DOCTORES DISPUTATURI.

M. Josephus-Maria-Franciscus  
de la Sône, Regie Scientia-  
rum Academiæ Socius, &  
Chirurgiæ Gallici Idiomate  
Professor designatus.  
M. Julianus Bussi.

M. Urbanus de Vandenesse.

M. Theodorus Baron, rei Her-  
bariæ Professor.

M. Andreas Cantwel, Regiæ  
Societatis Londinensis Socius.

M. Guilielmus - Josephus de  
l'Epine, Exdecanus, & Aca-  
demiæ Censor.

M. Ludovicus - Hieronymus  
Cosaier.

M. Ludovicus - Joannes le  
Thieullier, Regis Consultarius,  
in magno Consilio, & in ma-  
gnâ Regiæ Domûs & Franciæ  
Præfectorû Medicus ordinari-  
us.

Proponerebat Parisiis ANNA-CAROLUS LORRY, Parisiensis;  
Saluberrimæ Facultatis Medicinæ Baccalaureus, A. R. S. H.  
1746, à sextâ ad meridiem.

hi.